

At: Y Ff. Abigail Phillips,
Cynulliad Genedlaethol Cymru,
Bae Caerdydd,
Caerdydd CF99 1NA.

10 Tachwedd 2011

Gwawyl Ff. Phillips,

Parhad yr esthrygl newyddiadur amgaciedig, rhaid imi 'sgwennu' i'r Cynulliad i brotest yn erbyn chi'n rhoi caniatáu i'r Stad Brydeinig i ddefnyddio unrhyw meysydd-awr yng Nghymru am awyrennau di-beilot; "drôns". Mae'r awyrennau hynny - 'adar angau' - yw rhan y Stad "Brawd Mawr" ac yn ffiaidd i'r cymunedau yng Nghymru. Mae gan yr R.A.F., a'r lloedd arfog eraill, record gwarthus yn eu triniaeth o Gymru: oddi wrth y Gwersyll Carchar (Concentration Camp) yn Ffrangoch 1916-18; y Byddin Brydeinig yn cymryd llawer o dir o'r ffermwyr a chymunedau yng ngogledd brycheiniog ym 1939 - Uadrata pur, ac yn arwain at y Welsh Courts Act 1942; y triniaeth o gonscriptiaid Cymraeg-usiaith yn y Rhyfel 1939-45 gan y Byddin Brydeinig, yn ddozbarthu nhw fel "mentally subnormal"; yr R.A.F. yn hedfan dros y 'Steddfod Genedlaethol' yn Aberteifi ym 1976 ar ôl Pwylgor y 'Steddfod' wedi gwrthod coroa oddi wrth yr R.A.F. oherwydd mae'r Eisteddfod yn corff di-militaraidd. Ac wrth gwrs, y brwydr yn parhau dros yr R.A.F. yn Rhosneigr ("Y Fali") yn ddefnyddio arian drethdalwyr i osgoi plant teuluedd R.A.F. yn ddysgu'r Gymraeg mewn ysgolion lleol yn Ynys Môn, i anfon nhw i ysgolion preifat di-Cymraeg.


Yn cysidro yr agwedd gan cyrrff^{fel} yr R.A.F., yn fy ngolwg, mae'n pwysig NID i roi caniatâd yng Nghymru am ddefnydd pethau fel "drôns" yma. Beth yw eu burpas - ysbeio ar y boblogaeth lleol. Mae'n ffiaidd - cymdeithas "Brawd Mawr" pur, ac enghraifft arall o'r bolisi "England über alles" gan y Stad Brydeinig yn erbyn ni.

Yr eiddoch yn ffyddlon.

Ab
(R. Ab ELIS) (Y BR).

LLYTHYRAU

Robin Gwyndaf



Gwahoddiad Academi Heddwch

Annwyl Olygydd,

Ie, dyna yw'r nodyn hwn, gwahoddiad i'r holl ddarllenwyr weithredu ar fater sydd o'r pwys mwyaf.

A fyddem ni yn falch fod gennym fel cenedl gorff teilwng, tebyg i'r un sydd gan Fflandrys a gwledydd eraill yn Ewrop a'r byd, a allai, ar sail ymchwil eang a barn deg, gynnig arweiniad i'r Cynulliad Cenedlaethol a sefydliadau eraill yng Nghymru ar faterion cyfiawnder, heddwch a hawliau dynol?

A fyddem yn dymuno gweld Cymru yn cael llais cryf i allu datgan wrth y Cynulliad Cenedlaethol: 'Dywedwch 'na' wrth Lywodraeth Prydain; digon yw digon, nid yw Cymru mwyach am gael ei llusgo, fel ci bach, i ryfeloedd, megis yn Irac ac Affganistan'?

A fyddem yn dymuno gweld diwedd ar y militeareiddio mawr sy'n parhau i ddifwyno cannoedd ar gannoedd o aceri yng Nghymru: Epynt, Sain Tathan, Aber-porth, Llanbedr...?

A ydym am roi terfyn ar yr erchylltra barbaraid sy'n digwydd yn Aber-porth heddiw (ysywaeth gyda sêl bendith ein Cynulliad Cenedlaethol), sef hyfforddi gwyr a gwragedd sut i ddefnyddio awyrennau di-beilot - 'adar angau' - awyrennau sydd eisoes wedi lladd cannoedd, onid miloedd, o bobl gyffredin mewn sawl gwlad.

A ydym am weld diwedd ar wario biliynau o bunnoedd ar arfau, bomiau a Thrident, a defnyddio'r arian hwnnw yn hytrach ar wasanaethau dyn-garol, meddygol ac addysgol?

A'r un mor bwysig, onid yn bwysicach, a ydym am weld cyflwyno cyfiawnder, heddwch a hawliau dynol fel pynciau craidd yn ysgolion Cymru?

Os 'ie' yw ein hateb i unrhyw un o'r cwestiynau hyn, yna y mae gennym yn awr gyfle euraid i fod â rhan mewn ymgyrch sydd o'r pwys mwyaf i'n dyfodol ac i ddyfodol ein plant. Y mae gennym gyfle i sicrhau y bydd

Cymru, fel gwlad fechan, yn gallu rhoi arweiniad i Ewrop ac, yn wir, i'r byd: creu diwyl-liant heddwch, nid diwyl-liant rhyfel; chwifio baner cyfiawnder a hawliau dynol, rhyddid a heddwch.

*Da yw dweud,
Gwell yw gwneud.*

Beth yw'r cam nesaf? Dro yn ôl cyflwynwyd deiseb yn annog y Cynulliad Cenedlaethol i sefydlu Academi Heddwch i Gymru.

Bellach y mae Pwyllgor Deisebau'r Cynulliad yn gwahodd unigolion, cymdeithasau, eglwysi a sefydliadau eraill i anfon eu sylwadau at y Pwyllgor erbyn 14 Rhagfyr 2011. Dyma'r cyfeiriad: Abigail Phillips, Cynulliad Cenedlaethol Cymru, Bae Caerdydd, Caerdydd CF99 1NA. petition@wales.gov.uk
Canmil diolch am eich cefnogaeth.

**Robin Gwyndaf,
Is-Lywydd Cymdeithas
y Cymod yng Nghymru**